



TE WHARE WĀNANGA O
AWANUIĀRANGI

E whakanui ana a Awanuiārangi i te whaiaronui o te ao ō te ahorangi matararahi

E mihi nui ana Te Whare Wānanga ō Awanuiārangi i a Ahorangi Matararahi Linda Tuhiwai Smith, he mema nō te Kaunihera, i whakahōnoretia i ngā rā tata tonu nei me te Tohu IUPsyS 2024 Archbishop Desmond Tutu Achievement Against the Odds Quadrennial.

Nā te International Union of Psychological Science's (IUPsyS), i whakahaere, a, ka whakamihī hoki tēnei tohu i te kairangahau kua eke panuku me āna whakahaerenga rangahau, i raro i ngā tānga piere nuku, me te waewae kai kapua hoki, mō te painga ō ngā rangahau mātauranga pūtaiao, te hāpori pūtaiao me te hāpori whānui rānei. Ka whakanui te tohu i te aumenga, a, te arotahi hoki ki te āhua o te pae tawhiti ā ngā mahi.

Ka whakawhiwhi ia i tōna tohu ki Prague, Czech Republic i te 22 o Hūrae, i kōrero a Ahorangi Matararahi Smith mō te motuhaketanga o te whakanui i tēnei mea te Mātauranga Māori ki te atamira o te ao.

"Kātahi te hōnore nui ki te whiwhi i tētahi tohu pēnei rawa te whakahī nō tētahi whīra mātauranga, pēnei i te mātai hinengaro, tuatahi, ka whakamahara ake ki te whānuitanga o ngā aweawe karahipi Māori, a, tuarua, ka whakamihī tonu i ngā piere nuku ka rongohia tonu e ngai Māori nā, te whakamana tonu i ō tātau Mātauranga, tō tātau reo, me te aronui mai ki to tātau ahurea Māori, i roto i to tātau ake whenua.

I whakaingoa a Ahorangi Matararahi Smith mō tēnei tohu e te Rōpū Mātai Hinengaro o Aotearoa. I roto i tā rātau tonu, i kōrero rātau:

"Na ngā tūranga ō Ahorangi Tuhiwai Smith i roto ō Aotearoa, arā he arahanga mātauranga mai i ngā kura ō ngā tōpito o te motu tae atu ki ngā kura o te ao, ngā wānanga, ngā wānanga rangahau Māori, me ngā whare wānanga Māori, ko ia te kaitakawaenga mo te whakatupu me te whakawhanake i te maha ō ngā kaupapa iwi taketake ki roto i ngā rangahau, akoranga me te whakaritenga.

"Ko tōnā āheitanga ki te whakawhiwhi ki ngā wāhanga katoa me ngā pūnaha mātauranga, koina anō i tino pūtake ai ōnā tūranga maha ki roto i te kawanatanga ana i noho hoki ia ki runga i ngā poari pūtea matua katoa. He ōrite tonu te pana whakamuri a Ahorangi Smith i te settler-colonialism me tana anga whakamua me te kaupapa tino rangatiratanga a te Māori. He ranga wairua, ana na tōnā tirohanga i whakarato i te tuāpapa mō te koha a Aotearoa ki te mātai hinengaro o te ao."

Ko ngā Tohu IUPsus Quadrennial ngā tino tohu mātai hinengaro i roto o te ao hinengaro pūtaiao me te māngai kaimātai hinengaro ki roto i ngā motu 90 ngā mema. Te Tohu Archbishop Desmond Tutu Achievement Against the Odds, huihui ai ia whā tau i te International Congress of Psychology (ICP).